

# Giovar e programmar in cumünanza

**Quist'eivna han gnü lö per pla prüma jada ils i-Camp's in Engiadina. Ils uffants han pudü augmantar giovond lur incletta per l'informatica e sun stats inchantats da la sporta.**

NICOLO BASS

In tuot 15 uffants han visità dals 2 fin als 6 avuost ils i-Camp's chi han gnü lö per la prüma jada in Engiadina, nempe a l'Institut Otalpin Ftan. Quists uffants s'han avvicinat giovond als temas informatica e tecnica ed els han uschè surgnü üna tscherta cumpetenza chi tils serva eir in avegnir. Sco egualisaziun han passantà ils uffants eir ün vast program illa natüra.

## Fabrichar roboters e dar cumonds

Cun gronda concentrasiun e bravüra han ils uffants fabrichà insembel roboters e tils dat cumonds d'agir. E scha quels faivan lura eir quai chi gniva comandà respectivamaing programmà, schi vaivan ils partecipants grond plaschair. Flurina (10) e David (12) sun da-perüna: «Tecnica ed informatica sun fich interessantas.» Els han pudü manar ssvess ideas e tscherner ils cumonds



Ils uffants s'han avvicinat giovond als temas informatica e tecnica.

fotografia: miaEngiadina

pels roboters. E scha alch nun ha funcziunà sco previs, hana simplamaing cumanzà da nouv. Petra Seifert, responsabla pel projet davart da la Scoul'ota da pedagogia dal Grischun, es statta fascinada da l'energia dals uf-

fants: «Quist'energia es rantaivla e fa grond plaschair.»

## Cul savair da Cuoira

La Scoul'ota da pedagogia dal Grischun ha inizià e concepì ils i-Camps

per uffants insembel cun l'ETH da Turich. Per manar ils chomps sun gnüdas scoladas persunas d'instrucziun futuras specificamaing. In Engiadina han ils organisatuors chattà cun mia-Engiadina e cun l'Institut Otalpin

Ftan partenaris interessants cun ün'infrastructura ideala per organisar ils i-Camps. Sustegn han ils organisatuors dals chomps surgnü da differents instituziuns ed organisaziuns da tuot la regiun.

## Arrandschamaint

### Il Steidle Trio i'l üert da la Chesa Planta

**Samedan** In dumengia, ils 8 avuost, a las 17.00 cumainza la nouva, cuorta seria da concerts «Suns, tuns e clings» i'l üert da la Chesa Planta a Samedan. Cün trid'ora varo que lö dadains. Il cumanzamaint fo il Steidle Trio cun jazz, musica classica e chanzuns rumauntschas. Üna particularited es, cha'l

Steidle Trio ho miss in musica quella poesia da la giuvna S-chanfrina Selina Duschletta, cun la quela ella ho guadagnò dal 2019 la concorrenza da scriver «Pledpiera». Eir l'autura sarò da la partida. (protr.)

www.chesaplanta.ch

### Linard Bardill cul asen pel muond aint

**Scuol/Val S-charl** Daspö blers ons as metta il chantadur Linard Bardill in viadi cun asens ed uffants ed els viteschan differentas regiuns. L'on passà tils ha quist viadi manà a San Murezzan cun ün «concert ambulànt», sco cha Linard Bardill til ha nomnà. Eir quist on cuntinuescha il viadi, fingià per la tschinchavla jada, chaminond e chantond tras la natüra. Quista jada maina il viadi cun uffants ed asens eir illa Val S-charl. In

dumengia, ils 8 avuost, chantan ils uffants accumpagnats da Linard Bardill chanzuns dal god da dschember, da la natüra e dal plaschair da viver. Il viadi maina fin ill'Alp Tamangur chi'd es gnüda renovada ils ultims ons. Per Linard Bardill esa important da muosar als uffants ed a tuot la gliעד, cha l'uman es eir üna part da la natüra. Quai füss eir stat ün dals temas dal prüm «World Ethic Forum», chi vess vairamaing gnü lö al principi

d'october a Puntraschigna. Quist forum, chi vain organisà da Linard Bardill e chi metta l'etica i'l center da l'atenziun, es intant gnü spostà sün la fin d'avuost 2022. Els uffants chi accumpagnan quist on a Linard Bardill e seis asens, vessan eir chantà per l'avertüra dal forum in october a Puntraschigna. Il concert da Linard Bardill ed ils «asensingers da Tamangur» ha lö in dumengia, ils 8 avuost, a las 11.30 a S-charl. (nba)

## Imprender meglder rumantsch

kulinarisch	culinaric, culinarica
gerieben	gratto, gratteda / grattà, grattada
der geriebene Käse	il chaschöl gratto / grattà
der geriebene Teig	la pasta fruolla
die Gerstensuppe	la schoppa giotta / schoppa da giotta
das Geschnetzelte Gschwelti	la charnina / il startaglià ardöffels in chamischa / mailinterra in mandura
der Gugelhopf	la bütschella tudascha
die Haferflocken	ils flöchs d'avaina
das Hobelfleisch	la charn zipleda
der Hobelkäse	il chaschöl plano / splanà
die Hochzeitssuppe	la schopa da nozzas
Hörnli	cornins
der Imbiss	la marena
das kalte Buffet	il büfè fraid
der Kandiszucker	il zücherhandel
die kandierten Früchte	la frütta candida



Linard Bardill ed ils «asensingers da Tamangur» concerteschan in dumengia aint in S-charl.

fotografia: mad

# CONCURRENZA

Tema «Delagl»

PARTECIPAZIUN: FIN ALS 15 AVUOST 2021  
 INFUORMAZIUNS: foto.engadin.online

Engadiner Post  
 POSTA LADINA

Partecipar & guadagnar!

